

十五家年譜叢書

第二函
第十冊

據集譜增訂

黃文節公年譜

附詩派

黃文節公年譜序

山谷諸孫留字子耕作年譜二卷專爲攷證詩集每病繁瑣
乾隆中緝香堂又刻年譜一卷復病草略閱今於其間刪繁
因舊補缺訂譌權衡折衷別成集外一黃文節公年譜聊備
遺忘以自娛悅以志仰企不欲問世也山谷生平極有道氣
行事具循坊表觀其深契濂溪德器可以想見雖在蘇門亦
爲涑水華陽所知而於黨人之林超然不爲所繫未嘗偏立
議論真有鳳凰翔千仞氣象也教後生子弟諄諄以熟讀書
史深求義味不可以文人自了至真至切不腐不迂履患難
困阨浩然以義命自安無纖毫隕穫怨尤意以其餘興寄梵
夾緇流歌詞諧語昧者仍以爲真而不知非也是在於好學

深思心知其意者矣

光緒丁丑端午日江右新城楊希閔鐵傭書於臺陽海東書院

黃文節公年譜引用書目

本集

緝香堂本

任注

史注

翁刻

宋史

通鑑長編

續資治通鑑

薛氏

王氏

畢氏

王文公集

司馬溫公集

蘇文忠公集

蘇文定公集

劉原父集

劉貢父集

陳后山集

朱十集

名臣言行錄

汪文定集

樓攻媿集

張文靖集

朱元學案

四庫全書提要

王漁洋集

翁覃溪集

江西通志

雜采類書

袁氏鑿牖閒評

項氏家說

周輝清波雜誌

石洲詩話

黃文節公年譜

江右新城楊希閔鐵傭編

宋仁宗慶曆五年乙酉六月十二日公生

公黃氏名庭堅字魯直豫章洪州分甯人祖從進士贈朝散大夫父庶字亞夫慶曆丙戌進士知康州贈中大夫母李氏南康郡太君兄弟六人伯兄大臨字元明號寅菴萍鄉尹弟仲熊字非熊叔達字知命字叔獻蒼舒公幼警悟讀書五行俱下既孤從舅氏尙書李常公擇學過其塾見書帙紛錯亂抽架上書問無不通大驚以爲一日千里也原譜閔案公字魯直之故馬永卿嬾真錄以爲史克魯人也嘗引十六相以卻莒僕故曰魯直也項氏安世家說云

馬說非也魯直二字出柳文先友記按爾雅庭直也直而且堅故曰魯直閔攷先友記云王卿有學術魯直爲尙書郎則似是慤直之意馬項兩說可以兼會然袁氏文襄牖閒評又云庭堅乃八愷之名宋朝仁宗重魯宗道之爲人嘗書曰魯直豈太史慕二公之堅直字而名之焉竊疑山谷生仁宗之世與魯公聲迹不遠旣名庭堅未必近取御賜之書也疑事毋質存備一說可耳

六年丙戌二歲

七年丁亥三歲

八年戊子四歲

皇祐元年己丑五歲

二年庚寅六歲

三年辛卯七歲

公七歲作牧童詩云騎牛遠遠過前村吹笛風斜隔岸聞
多少長安名利客機關用盡不如君

桐江詩話

四年壬辰八歲

公作送人赴舉詩云送君歸去玉帝前若問舊時黃庭堅

謫在人間今八年

西清詩話

五年癸巳九歲

至和元年甲午十歲

二年乙未十一歲

嘉祐元年丙申十二歲

二年丁酉十三歲

三年戊戌十四歲

四年己亥十五歲

公母舅李公擇官淮南公依之

公跋王子予名外祖劉

仲寥墨蹟云庭堅十五六游學淮南

五年庚子十六歲

在淮南

六年辛丑十七歲

在淮南始婚於孫氏

孫覺華老之女

公作二室墓誌云庭堅年

十七從舅氏李公擇學於淮南始識孫公得聞言行之要
啓迪勸獎使知聞道之方者孫公爲多孫公憐其少立故

以蘭溪歸之

原譜

七年壬寅十八歲

在淮南

八年癸卯十九歲

是年以鄉貢進士入京師

英宗治平元年甲辰二十歲

禮部試未第留京師

二年乙巳二十一歲

是年當南歸

三年丙午二十二歲

是年再赴鄉舉膺首選

主文衡者廬陵李訥

字仲同

以野

無遺賢命題公詩有渭水空藏月傳巖深鎖煙之句擊節稱賞謂此人不惟文理冠場異日當以詩名擅四海

原譜

四年丁未二十三歲

禮部試登進士第除汝州葉縣尉

神宗熙甯元年戊申二十四歲

赴葉縣尉任九月到汝州公有思親汝州真蹟題云戊

申九月到汝時鎮相富鄭公

二年己酉二十五歲

在葉縣

三年庚戌二十六歲

在葉縣七月初二日元配孫夫人歿於官所公二室

墓誌銘云蘭溪縣君孫氏故龍圖閣直學士高郵孫公覺

卒老之女年十八歸黃氏不幸年二十而卒

閱案二十下脫去一七字

辛丑至是九年當二十七也

殯葉縣者二十二年元祐八年始克歸葬

四年辛亥二十七歲

在葉 葉縣曰作新寨詩云俗學近知回首晚病身常覺

折腰難之句傳至都下半山老人見之擊節稱歎以爲清

才非俗吏遂除北京敎卽爲文潞公所知

垂虹詩話 閱案詩語與集中

所載有同異或後有改竄此非論詩不悉記

五年壬子二十八歲

試中學官除北京國子監敎授

蘇文忠公見其詩文以

爲超軼絕塵獨立萬物之表由是聲名始震公亦心契文

忠與張文潛晁无咎秦少游並游蘇門天下稱爲蘇門四

學士

參宋元學案

六年癸丑二十九歲

在北京

是年繼室謝夫人來歸

謝景初師厚女

七年甲寅三十歲

在北京

八年乙卯三十一歲

在北京

九年丙辰三十二歲

在北京

公自到任距今已三年時文潞公尙判大名府

器公奏留再任

參史傳

十年丁巳三十三歲

在北京

元豐元年戊午三十四歲

在北京

秋考試舉人於衛州

二年己未三十五歲

在北京

公次韻答孔毅甫詩云六年國子無寸功猶得

江南萬家縣蓋次年授太和县

二月十二日繼室謝夫人

歿於官所

公二室墓誌銘云繼室介休縣君謝氏故

朝散大夫南陽謝公景初師厚之女年二十歸黃氏年二

十六而卒生一女曰睦才四歲殯於大名者十一年元祐

六年乃克歸其殯八年與元配孫夫人從先夫人葬焉同

宮而異擲

三年庚申三十六歲

入京改官授吉州太和縣

秋自汴歸江南

十月游山

谷寺寺在皖山三祖山屬舒州有石牛洞等林泉之勝公
游而樂之因號山谷道人

十二月過南康還鄉

原譜

四年辛酉三十七歲

赴太和任

秋考試舉人於南安軍

太和號難治公平

易近民民亦不忍欺之會頒鹽筴諸邑爭授多數獨公平

平耳大吏不悅而民安之

本傳

閔案原譜載公作檄龍文謂歐陽公渡湖瀧岡阡表爲

龍神借觀公作檄湖中閱月碑出朱圈祭而豐不如養